

مسئله حقوق

درسمانده باب عالی جاده سنده
اداره مخصوصه
محل اداره :

مسئله موافق آثار جدید مع التنبیه
قبول اولیور
درج ابتدایی آثار اعطاه اولیور

دین، فلسفه، ادبیات، حقوق و علوم دین باحث هفته لاق رساله در

مؤسسه : ابوالعلا زین العابدین - ح . اشرف ادیب

سنه لک	القی آیینی
۶۰	۳۰
۸۰	۴۰
۸۰	۴۰

درسمانده

ولایت

مملکت اجنبیه

تاریخ تاسیسی :

۱۱ نمر ۳۲۴

درسمانده نسخه بی ۵۰ پاره در

فهرست دن مقوا بودو ایله کوندربلیرسه سنوی
۲۰ فروش فضله آلیر

درسمانده پوسته ایله کوندربلیرسه ولایات بدلی اخذ اولنور

عدد : ۲۹

۱۸ صفر ۱۲۲۷ پنجشنبه ۲۶ شباط ۱۳۲۴

ایکینجی جلد

ضرر و ضرار [۱] کی برطاقم بیوک و غایت شمولی اساسلرده تاسیس
قائم شد.

احکام اسلامی و اجتناب

زمان تزییده، عصر سعادت پیامبریده امت حقنده احوال
جاریه به متعلق قابل تغییر و تبدیل اولیه حق پک چوق حکم و قضا
شرف صدور ایتش درکه بونلرک برقسمنه دائر آیات قرانیه نازل اولمش،
دیگرلری ده طوغرودن طوغرویه ذات رسالتینه افسدیمزدن تلقی
ایدلمش در. ایشته کرک وضع اولونان اصول اساسیه، کرک بوطاقم
احکام واقضیه علمای اسلامه منهاج هدایت اولوب اجتهادلریله استنباط
احکامه مأذون اولدقلری مواد معروضه خصوصنده بو نور حق ایله
مستیر اولمش و بوسایهده تنظیم واحکام معاملاتنه موفق قلنمشلردر.

اجتهاد فقها ایله استنباط اولونان بواحکام فرعییهده « شرع »

[۱] متعدد راوبردن ابن ماجه و دارقطنی و حاکم ضرائق طرفندن تخریج
اولونان « لاضرر ولا ضرر فی الاسلام » حدیث شریفک مفاد طالبیدر. حدیث
مذکور اربعین نوویهده ۳۲ نجی حدیث اولق اوزره انتخاب اولوندی کی
مجله ۱۹ نجی ماده سی اوله رق « ضرر و مقابله بالضرر بوقدر » هییه ترجمه
قلنمشدر. یعنی بدایه کیسه به ضرر ایتک جائز اولمادی کی مقابله و جزاء دخی
ضرر جائز دکلدرد. مثلاً بریک مالی بغیر وجه شرعی آتی و بریکسه نک حق اولدینی
حاله آتی ایفادن امتناع ایتک کی برصورتله اضرار ظلم اولدینی جهته جائز
اولماز. مقابله بالضرر ده بوله در یعنی بریکسه دیگر کسه به ضرر ایقاع ایتدکده
متضرر اولان مقابله آونی اضرازه حق اولیوب بلکه حاکمه مراجعتله ضرری
صورت مشروعهده ازاله ایتدیرمک لازمدرد. هله وقوع بولان برضرری آخری
اضرار ایله تلافی به چالیشمق قطعا جائز اوله ماز. مثلاً بریکسه نک و بریک کی قلب
الجبینی باشقه سینه سورمک کی. مجله به درج اولونان قواعد کلیه نک اکثریدی
« اشیاء و نظائر » دن مأخوذ اولوب غایت مهم اساسلر اولدینی معلوم و مسلمدر.
شرحلریه مراجعت یله ده ازیاده وقوف حاصل اولور.

معاملات دنیویه و انتظام احوال عمومییه دائر اولان قسم رابعک
شریعت عامه دائمه اوله رق جزئیاتی تحدید ایتک ممکن دکلدرد.
چونکه بوقسم احکامک غایت کثرت و تشعبی ایله برابر زمان و مکان،
قوت و ضعف، عرف و عادت کی شیلرک اختلافی نسبتنده مختلف
اوله جنی آشکاردر. مکلفینک هر فردی بواحکامک کافه سنی بیلیمک
قابل اولمادی کی لازمده دکلدرد.

ایشته استعید بالله « ولوردوه الی الرسول واولی الامرمنهم لعلمه
الذین یستنبطونه منهم » نظم جلیلک مذکور « اولی الامر » ک یعنی
فقها و ارباب حقوقک اجتهاد و استنباطلرینه ک زیاده لزوم کورولن
مواد بوندن عبارت اولوب بوبایده جمع ناسک کنیدیلرینه تقلید و متابعتلری
امر ضروریدر.

بناءً علی ذلک شرع محمدی حکومت اسلامیته طرز و شکلنی تحدید
و جزئیات احکامی یسکان یسکان تفصیل ایتمه مشدر. یالکز مبنای حکومت
و مدار قوام سلطنت اوله حق اساسلری تعیین ایله مشدر. مثلاً وجوب
شوری و حریت کلام و اجتماع و حجت اجماع کی که اوروپا حکومتلری نک
اخیراً تشکیل ایتش اولدوقلری « مجلس نواب »، پارلامنتولر هپ
بواساسلر اوزرینه وضع اولونمشدر.

الی الابد دوامی تأمین بیورملق ایچون شریعت اسلامیتهده هر نه
صورتله اولورسه اولسون تحری و عدالت و مراعات مساوات و منع

آغیر و غیر قابل تطبیق ظن اولونان « حدود شرعی » نك هر برنده يك چوق قیود و شرائط اعتبار اولونمشد. كرك اسباب موجه نك ثبوتی، كرك اجرا و استیفاسی غایت تصعیب ایدلیکی معلومدر، بوجهته حدودك اكثریسنه معروض اوله جق اشخاص نادراً كورلمكد و آنلك وضعندن مقصد محض زجر و تریب اولدینی تحقق ایتكددر.

مع هذا قصاص ایله قطع ید كبی بعض حدود شرعیك نادراً اجراسی بیله بی نهایه نفوس و اموالك مصونیتنی تاهین ایده جكدن تشریعی محض حكمت و موافق مصلحت اولدینی قابل انكار دكلدر، استعید بالله « ولكم فی القصاص حیاة یا اولی الاباب » نظم جلیلك اشعار عالیسی اوزره قاتلك قصاصاً قتل برچوق نفوس معصومه نك محافظه حیاته مدار اولور. « اولاً » بر شخصی قتله تصدی ایده جك اولان ایقاع قتل ایتدیکی تقدیرده كندیسنك قصاصاً قتل اولونمجنی بیلنجه قتلدن منزجر اولورده هر ايكیسنك حیاتی باقی قالیر. « ثانیاً » بر قاتل متعمد قصاص اولونمادینی صورتده باشقه درلو جزا دیده اولسه بیله ورثه مقتول آندن اخذ ناز فكرنده بولونه جقلرندن یا ونلر اونی قتل ایله كندیلرینی اولیله براخذ ناز تیلیكسنه دوشورمش اولورلر. یا خود قاتل خوفندن ناشی اولنری ده برر برر قتل و افنایه چالیشیر. هرايكی طرفك قبیله لری بیتمده قان كودمك فكری یرله شیر قالیر.

الحاصل ظاهر ده قتل اولان قصاص حقیقته حیات عظیمه در، چونكه مشروعتنی دوشونن كیمسه فعل قتلدن مجازت ایدرسه قتل هیچ وقوع بولماز، اكر دوشونمزده قتله متجاسر اولورسه قتل ايكی شخصه منجصر قالیر، قبیله لرینه سرایت ایتمز.

[مكتب حقوقزده تدریس اولونان « معیار عدالت » كتابی مطالعه اولونورسه اكلایشیلر كه قصاص قتل اقسام خمسسی ایچندن یلكز قتل عمد قسمنده جاری اولوب كرك وجوبی، كرك استیفاسی ایچونده يك چوق شرائط وارددر. بونلر هر قتل عمده تماماً تحقق ایتمه جكدن قانونه قصاص درج اولونمسیله مشكلات عظیمه ظهور ایتمز، یلكز تأثیرات حسنه مشاهده اولونور.] مابعدی وار

مناسرتی اسماعیل مفی

نجائب قرآنیة

سورة مؤمنون : آیت - ۱۲، ۱۳، ۱۴

« ولقد خلقنا الانسان من سلاله من طین . ثم جعلناه نطفة فی قرار مكن . ثم خلقنا النطفة علقة فخلقنا العلقة مضغة فخلقنا المضغة عظاماً فكسونا العظام لحماً ثم انشأناه خلقاً آخر فتبارك الله احسن الخالقین » [جناب منزل الفرقان جلث عظمته آیت متقدمه ده انساندن بعض افراد سعدانك حالی بیان ایتدكدن صوكره شمدی انسانك مبدأ خلق

اطلاق اولنور، چونكه قواعد شرعیه اوزرینه بنا قلمش اولدینی كبی بویولده استنباط احكامه طرف شارعدن مأذونیتده ویرلشدر، « قانون » تسمیه اولنمقده جائزدر. فصل كه علمای متأخرین طرفندن كثرله وقوع بولمقده و عرف و عادتده واقع تبدلاته و اقتضای مصالح و امته كوره قابل تبدل اولملری علت باعته كوسترلمكددر.

میزان امام شعرانیده « خذ العفو وأمر بالعرف وأعرض عن الجاهلین » آیت کریمه سی [۱] « یعنی اذالم نوح اليك فی معرفة مقدارشیء فردة الى العرف و اعمل به » ديه تفسير اولندقدن صوكره « بوايته نظراً عرف جاری توابع شرعدن معدوددر. عرف ایله مراد من قواعد شریعه موافقی ایله برابر بین الناس مقرر اولان شیردر كه بعض علما بوكا قانون تسمیه ایدرلر « بیورلمشدر. كتاب الحدوده مراجعت. بیانات مبسوطه دن مقصد اصلیمز شرع شریف احمدینك حاوی اولدینی احكام اساسیه و فرعیه نك - لدی الايجاب بعض اجتهدیاتك فی الجملة تبدل ایتسی و مذاهب مدونه نك هر هانكیسندن اولورسه اولسون ناسه ارفق و مصالحه اوفق اقوالك اخذ ایدلسی شرطیله - هر عصر و زمانده بوتون احوال امتی، معاملات جاریه مدنیتی محیط اولدینی ایضاح و اثبات ایتكددر. « علم فقه » نامیله مدون بولنان مسائل شرعیه مزدن ازمان اخیرده محدث اولوب معاملاتی يك زیاده توسیع اولونان بعض خصوصیات، استثنا ایدلیکی تقدیرده خارج قاله جق، ماده تطبیقی بولونمیه جق برشی كوسترمك قابل دكلدر،

بنابرین تحقق ایدیور كه بزم اساس اوله رق هیچ برملتك قانونندن اخذ و اقتباسه اصلاً احتیاجز اولمادینی كبی احكام شرعیه من اربابی معرفتیه تدقیق و تطبیق ایدیله جك اولسه بوتون احوال و معاملاتز تنظیمده بركونا مشكلاته دوشمیه جكمز وارسته قید اشتباهدر. اك كوچك بر نمونه سی اولان (مجله احكام عدلیه) كونس كبی اثبات و ارائه ایدیور كه احكام حقوقیه ده فقهای اسلامی قدر تدقیقات موشكافانه یه هیچ بر قومك علمای حقوقی موفق اولمالمشدر. اوروپانك سنه لرحه سوروكله نوب طوران اختلافاتی مجله جلیله من ایله خل و فصل ایدلسی اوزرینه هر لسانه ترجمه سنه اعتنا قلندینی جمله نك معلومیدر.

احكام جزائیه مزده تدقیق اولونسه نه مرتبه عادلانه و تربیه عمومیه و اصلاح احوال بشریه ایچون واسطه یكانه اولدینی تبیین ایدر. غایت

[۱] بو « عفو »، « یسألونك ماذا یفقدون فی العفو » نظم شریفند، كبی « مدار سهولت، آزاده كلمت » اولان شی معنایسنه در. « اخذ » قبول و رضادن مجازدر. یعنی ناسك تیسرایدن، كلمتیز وجود بولان اعماله راضی اول، مشقته مؤدی اوله جق تكلیفده بولونماكه منافرت واقع اولماسون. « عرف » امر مستحسن ایله تفسیر اولنور. یعنی قبول عامه به مظهر اوله جق شیرلی امرایت و جاهلردن امراض ایله، مفهای ناس ایله مجادله ایتمه.

فصل كه آیت اخرا ده « و اذا خاطبهم الجاهلون قالوا سلاماً » بیورلمشدر. عباد صالحینه جاهلار مخاطبه، كندی حال و صفات لرینه كوره مكالمه ایده جك اولدقلى زمان اولنر سلام متاركه یی التزام ایدرلر، مقابله ده بولونمازلر. « خذ العفو وأمر بالعرف » آیت کریمه سی حسن معاشرت و مدارات عامه یی امر اولمقده بونون مكارم اخلاقی جامع اولان آیات قرآنیه دن معدوددر.